



Tužilaštvo/Tužiteljstvo Brčko distrikta Bosne i Hercegovine
Тужилаштво Брчко дистрикта Босне и Херцеговине
Prosecutor's Office of the Brcko District of Bosnia and Herzegovina


<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtd@jtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtd@jtd.ba

AKTUELNOSTI

Pravni savjetnik Ambasade SAD-a posjetio Tužilaštvo Najavljena daljnja podrška u osnaživanju vladavine prava



Frank Bradsher, stalni pravni savjetnik u Ambasadi Sjedinjenih Američkih Država u Bosni i Hercegovini, posjetio je 8. septembra Tužilaštvo Brčko distrikta BiH. Tokom posjete, *Bradsher* se sastao sa tužiteljicom Tužilaštva Šejlom Drpljanin sa kojom je razgovarao o predmetima organiziranog kriminala i trgovine ljudima.

Savjetnik *Bradsher* i tužiteljica Drpljanin istakli su ogromnu odgovornost koju za efikasnost pravosuđa u cjelini podrazumijeva tužilačka funkcija. U tom smislu, naglašena je važnost sačinjavanja plana provođenja istraga u složenim predmetima kao i značaj efikasnog i proaktivnog djelovanja tužilaca, kako tokom istrage, tako i tokom glavnog pretresa.

U ime glavnog tužioca Tužilaštva Zekerije Mujkanovića, tužiteljica Drpljanin izrazila je zahvalnost za dugogodišnju podršku i pomoć u radu, koju su Sjedinjene Američke Države osigurale pravosuđu Brčko distrikta BiH kroz različite projekte. Saradnja Ambasade SAD-a u BiH i Tužilaštva Distrikta u osnaživanju vladavine prava u BiH ocijenjena je izuzetno uspješnom, a sudeći prema zaključcima konstruktivnog i obostrano ugodnog radnog sastanka, i dalje će biti nastavljena.